



Kaupapa
Mīharo

Wero
Wai

Ngohe 4.3: Te rerenga tuatahi

Tukua he wai kia rere mā te tauira whakamātau o tō kōrere wai.

Ka oti i te tauira whakamātau o tō kōrere tō horopaki ā-wero?

**Tukua
kia rere!**

Hei mahi 1

Whakaingoatia ō ipu ki ngā tukunga wai ā-hapori e rua, ā, whakanohoia ki raro iho i tō whatunga wai.

Me whai ēnei:

- Te tauira whakamātau o tō kōrere wai
- Kia 500ml o te wai (whakamahia ngā wai i kohia ki tō ine-ua)
- Kia 2 ngā ipu, ka pupuri ia ipu i te 500ml o te wai
- He ipu ine

Hei mahi 2

Huakina te katiwai, ā, āta tirohia anō ngā hononga wai katoa kia kore ai te wai e māturu.

Hei mahi 3

Inea kia 500ml o te wai ki tētahi ipu ine.

Hei mahi 4

Kia āta riringi koe i te wai ki roto i tō kurawai, ā, tukua te wai kia rere!

Hei mahi 5

Inea te nui o te wai (ml) ka tae ki ia tukunga wai ā-hapori.

Hei mahi 6

Tuhia ō kitenga ki te hopu-whakamātau.

Hopu-whakamātau

Raraunga inerahi			Raraunga inekounga	Ngā whakapaitanga ake
Tukunga wai (% me ngā ml)			He aha tāu i kite ai i te rerenga o te wai?	
Tukunga wai ā-hapori 1	Tukunga wai ā-hapori 2	Te tapeke		
Whare tinei ahi: 30% 150ml	Whare: 65% 325ml	95% 475ml	I tere rawa te rere o te wai ki te whare tinei ahi. I puni ētahi wai i te tīmatanga o te whatunga wai.	Whakawhitia ngā kōrere-whitianga rārōto, nui nei, ki ngā kōrere-whitianga rārōto, iti nei, e ahu ana ki te whare tinei ahi. Hangaia tētahi rōnaki rahi ake i te tīmatanga o te whatunga wai.

He aha tāu i ako ai i tō whakamātau?

He aha tāu e panoni ai hei whakapai ake i tō tauira whakamātau?

Kaua e mōumou i te wai ka rere mā tō whatunga wai! Ka āhei koe ki te tāpiri i taua wai rā ki tō whatunga wai i ngā whakamātau ā muri ake nei.